

4. Tannvernd í skólum.
5. Íþróttaeftirlit (heilsuvernd íþróttaiðkenda).
6. Atvinnusjúkdómavarnir.
7. Áfengisvarnir.
8. Geðvernd.
9. Almennar sjúkdómsvarnir (í samráði við héraðslækni og aðra embættismenn skv. lögum).

### 2. gr.

Stjórn Heilsuverndarstöðvar skipuleggur frekari starfsemi stöðvarinnar og ákveður framkvæmdir á sérhverjum lið 1. gr. eftir ástæðum og í samráði við stjórn bæjarins.

### 3. gr.

Stjórn Heilsuverndarstöðvarinnar er skipuð 7 mönnum. Bæjarstjórn kýs formann stjórnarinnar og 4 meðstjórnendur, 1 er tilnefndur af heilbrigðisráðuneytinu og 1 af Sjúkrasamlagi Kópavogs. Kjörtímabil stjórnarinnar er eitt ár. Stjórnin annast rekstur Heilsuverndarstöðvarinnar í umboði bæjarstjórnar Kópavogskaupstaðar og skulu fundargerðir stjórnarinnar lagðar fyrir bæjarráð og bæjarstjórn til staðfestingar.

### 4. gr.

Ráða má yfirhjúkrunarkonu að stöðinni, sem stjórn daglegum rekstri, enda vinni hún auk þess dagleg störf við ákveðna deild eða deildir stöðvarinnar. Æskilegt er, að hún sé lærð heilsuverndarhjúkrunarkona.

### 5. gr.

Heilsuverndarstöð skal hafa aðskilið reikningsbókhald. Um skiptingu kostnaðar og annað, sem við kemur rekstri Heilsuverndarstöðvarinnar fer eftir lögum um heilsuvernd nr. 44/1955.

Reglugerð þessi, sem sett er samkvæmt 3. gr. heilsuverndarlaga nr. 44/1955 sbr. 4. tl. ákvæða til bráðabirgða í lögum nr. 56/1973 um heilbrigðisþjónustu, staðfestist hér með til að öðlast gildi þegar í stað.

*Heilbrigðis- og tryggingamálaráðuneytið, 29. júlí 1974.*

F. h. r.

**Jón Ingimarsson.**

*Ingimar Sigurðsson.*

## AUGLÝSING

### um umferð í Reykjavík.

Samkvæmt heimild í 65. gr. umferðarlaga nr. 48 frá 23. apríl 1968 hefur verið ákveðið, að einstefnuakstur verði á eftirtöldum götum sem hér segir:

1. Á Bjargarstíg til vesturs frá Óðinsgötu að Grundarstíg.
2. Á Skálholtsstíg til vesturs frá Grundarstíg að Frikirkjuvegi.
3. Á Nýlendugötu til austurs frá Bakkastíg að Ægisgötu og til vesturs frá Bakkastíg að Seljavegi.

4. Á Bakkastíg til suðurs frá Mýrargötu að Nýlendugötu.  
Framangreindar reglur taka gildi þegar í stað.

*Lögreglustjórnin í Reykjavík, 29. júlí 1974.*

**Sigurjón Sigurðsson.**

## REGLUGERÐ

um varnir gegn mengun matvæla af völdum blýs og kadmíums  
í matarlátum.

### 1. gr.

Í glerjungu íláta (leir- eða málmíláta), sem notuð eru undir matvæli, getur verið blý eða kadmíum. Til þess að forða eitrunum af völdum þessara málma, er rekja mætti til slíkra íláta, þer hlutaðeigendum að breyta samkvæmt ákvæðum reglugerðar þessarar.

Ákvæði þessarar reglugerðar ná einnig til íláta úr plasti, sem notuð eru undir matvæli.

### 2. gr.

Bannað er að framleiða, flytja inn eða versla með ílát þau, sem getið er um í 1. gr. reglugerðar þessarar, ef þau gefa frá sér meira magn af blýi en 7.0 mikróg blý/ml eða 0.5 mikróg kadmíum/ml, þegar eftirfarandi rannsóknæðferðum er beitt, sbr. 3. gr.

### 3. gr.

Sex sýni af hverri gerð íláta skulu rannsökuð á þann hátt, að þau eru fyllt með 4% edikssýru, gler látið yfir op ílátsins, og ílátin síðan látin standa þannig í 24 klst. við venjulegan stofuhita. Blý eða kadmíum, er leysast kann í edikssýrulausninni, er síðan ákvarðað með aðferð þeirri, sem lýst er í viðauka, sbr. viðauka nr. 1.

Fundið er meðaltal sýnanna. Ef frávik einstakra niðurstöðutalna er innan eðlilegra marka (+10%), skal meðaltalið gilda. Annars verður að gera frekari rannsóknir.

### 4. gr.

Einungis niðurstöðutölur rannsókna frá viðurkenndum rannsóknastofnunum, t. d. Rannsóknastofnun iðnaðarins eða hliðstæðum rannsóknastofnunum, eru gildar.

### 5. gr.

Við mótun íláta eða á annan hátt þer að setja merki (vörumerki), sem ótvírætt sýnir, hver hefur framleitt vöruna. Jafnframt er þeim, sem framleiða eða flytja inn slíkar vörur hér á landi, skylt að láta rannsaka þær þannig, að ótvírætt sé, að þær standist kröfur, sem gerðar eru samkvæmt 2. og 3. gr. að framan. Ef varningurinn stenst ekki þessar kröfur, er bannað að hafa hann á boðstólum.

Varningur, sem heimilt er að hafa á boðstólum samkvæmt ákvæðum 1. málsgreinar hér að framan, skal merktur með tilliti til þess, að rannsakað hafi verið blý- og kadmíuminnihald hans, svo sem kveðið er á í þessari reglugerð.

### 6. gr.

Þeim, sem framleiða eða selja slíkar vörur hér á landi, er skylt að tilkynna það heilbrigðisnefnd viðkomandi bæjar- eða sveitarfélags.